


瑜伽師地論

第六十九

二百廿九
福九

49059



元統元年丙子二月日重脩

皇國鞏固 帝新編呂

佛日增輝 機輪亦常轉

山城州天安寺法金剛院置

增輝

彌勒菩薩說 沙門玄奘奉詔譯

攝決擇分中聲聞地之三

後次應知毗奈耶由五種割立為最甚深云
何名為五種割立一學割立二犯割立三出
離割立四止息割立五羯磨割立

後次略由五處應知學割立為最甚深一自
在故二不自在故三顯現尸羅壞過失故四
顯現喜樂鄙業過失故五彼二過失行不行
故言自在者若特所化不隨煩惱勢力而行
非諸煩惱令不自在在者若特所化隨

非諸煩惱令不自在在者若特所化隨



處不自在而行由諸煩惱令不自在
依如是所化不自在學行剗立不自在學處
顯現尸羅壞過失者觀諸性罪定不應行剗
立隨護尸羅學處顯現喜樂鄙業過失者謂
觀能障勤修善品是故剗立遮罪學處彼下
過失行不行者謂佛觀彼自在所化過失不
行故無剗立觀不自在過失現行剗立學處
復次略由五處應知犯剗立爲最甚深云何
爲犯謂能障礙所有善法令不得生當知此
障略有五種一慢緩障二有罪障三輕慢障
四惡作障五所知障慢緩障者謂懈怠故於
善法不勤方便有罪障者謂如有一或

或由瞋纏或由癡纏或由所餘隨止
法諸隨煩惱之所染汚彼既生起如是煩惱
隨煩惱纏堅著不捨輕慢障者謂如有一不
尊所學於諸學中不甚恭敬於其所犯不見
怖畏而有所犯犯已不能速疾發露於大師
所及諸學中性不尊敬惡作障者謂如有一
相續深汙惡作所觸於此惡作不能善巧竟
竟除遣有悵有快有諸惡作所知障者謂如
有一心懷變悔依因淨戒不生歡喜不歡喜
故不生適悅如是乃至心不得定心不定故
無如實知無如實觀由此因緣名所知障由
慢纏障之所觸故於諸煩惱及隨煩惱爲性

執著性執著故復爲有罪障之所觸爲有罪障之所觸故於諸學中不深恭敬喜樂所犯喜樂犯故便爲輕慢障之所觸爲輕慢障之所觸故生染污悔不能除遣所生悔故便爲惡作障之所觸爲惡作障之所觸故變悔轉增由此因緣廣說乃至心未得定心不定故便爲所知障之所觸如是名爲障生次第與此相違當知卽是五種無障謂無慢緩障無有罪障無輕慢障無惡作障無所知障

復次意樂毀壞者於其所犯尚不能出況能無犯云何名意樂毀壞謂略有五種一於爲精進無發起欲二於煩惱有染著欲三於

犯者起犯欲四於惡作無除遣欲五於等持
無引發欲

復次意樂具足者尚無有犯況出所犯云何
名爲意樂具足當知此亦略有五種一於精
進有發起欲二於煩惱無染著欲三於所犯
起無犯欲四於惡作有除遣欲五於等持有
引發欲如世尊言於所犯罪由意樂故我孰
能出非治罰故

復次應由十處思求所犯謂由別解脫法故
由廣分別毗奈耶故五犯聚中由犯自相故
由六種差別成重相故謂制立差別事差別
煩惱差別穿穴差別補特伽羅差別特差別

由無羞耻者除波羅闍已迦所餘有殘相故
由初業者非初業者現所行故由逼惱出離
故由障難出離故由有犯者時諸苾芻白大
師故由彼白已大師爲欲止當所犯集僧衆
故由僧衆集已制立所犯故制立所犯已復
於後時隨事開聽令得究竟無惱害故
復次略由五處應知出離制立爲最甚深謂
無染出離故逼惱出離故障難出離故無計
出離故說悔出離故無染出離者謂如有一
於小隨小所犯法中隨有所行若善法增不
善法減由比因緣便不染汙由此無染即是
出離是故說爲無染出離逼惱出離者謂若

初遭困苦重病之所逼切除其性罪於餘犯
法隨有所行此由逼惱即是出離是故說為
逼惱出離障難出離者謂若見有命難現前
或梵行難於小隨小所犯法中隨有所行由
此障難即是出離是故說為障難出離無計
出離者謂若有一遊於異方經行曠野匱乏
之處隨有一種障難之法而現在前隨其所
有應受用事求受用法而不能得遂生敬畏
受用此事於小隨小所犯法中隨有所犯由
此無計即是出離是故說為無計出離說悔
出離者謂如有一於五犯聚有餘犯中隨有
所犯遂於有智同梵行所以毗柰耶祕密之

法發露陳說如法悔除言小隨小所犯法者
謂除性罪

復次略由五處應知止息制立為最甚深一
清淨故二防破壞故三為引接廣大義利補
特伽羅令入法故四為令聖教轉增盛故五
為遮防難存活故清淨故者謂有清淨所作
已辦諸阿羅漢由欲已得極清淨故僧便
彼小及隨小所有學處皆為止息防破壞故
者謂於僧中一分苾芻於有犯中生無犯想
於無犯中生有犯想一分苾芻於有犯中生
有犯想於無犯中生無犯想由此因緣發起
種種鬪訟違諍由此令僧不得安樂為欲靜

此諍事故僧衆和合白四羯磨於小隨小
所有學處皆共止息爲欲引接廣大義利補
特伽羅令入法者謂如有一族姓高貴補特
伽羅於聖教中多有所作僧遇彼人無別方
便可令入法爲欲引接令得入故僧衆和合
白四羯磨於小隨小所有學處皆爲止息爲
令聖教轉增盛者謂於末劫諍劫穢劫正現
前時無量有情於小隨小衆多學處不樂修
學未入法者不欲趣入已入法者復欲離散
由此聖教漸漸衰退不得增盛由此因緣僧
衆和合爲令聖教得增盛故白四羯磨於小
隨小所有學處皆悉止息爲欲遮防難在法

者謂於末劫諍劫穢劫現在前時由小隨索
諸學處故令諸苾芻難可存活為欲息此難
存活事僧眾和合白四羯磨止息學處
後次略由五種補特伽羅於十羯磨應知羯
磨制立為最甚深何等名為十種羯磨一受
具羯磨二結界羯磨三長養羯磨四同意羯
磨五起向羯磨六恣舉羯磨七治罰羯磨八
攝受羯磨九白二羯磨十白四羯磨六何五
種補特伽羅一良慧喻補特伽羅二鸚鵡喻
補特伽羅三炬燭喻補特伽羅四電光喻補
特伽羅五書畫喻補特伽羅云何良慧喻補
特伽羅謂如有一於上所說十羯磨中唯依

於義不依於文唯隨義轉不隨音聲雖於此
中未作如是羯磨言詞然能依義發起語言
行於此義云何鸚鵡喻補特伽羅謂如有一
唯依於文不依於義唯隨文轉不隨於義不
能依義發異言詞云何炬燭喻補特伽羅謂
如有一依少羯磨便多增益現行種種隨意
言詞譬如炬燭云何電光喻補特伽羅謂如
有一或一時間於諸羯磨及諸學中現可得
見於一時間都不現見譬如電光云何書畫
喻補特伽羅謂如有一如其所制羯磨言詞
即如是轉不增不減如書畫者

有五種偽毗奈耶一偽制立學處二偽制

立所犯三僞制立出離四僞制立止息五僞
制立羯磨云何僞制立學處謂如有一制立
學處不入契經不現於律違背法性違背法
性者謂能增長諸不善法及能損減所有善
法云何僞制立所犯謂如有一於有犯中云
為無犯於無犯中立為有犯云何僞制立出
離謂如有一於不出離立為出離於出離中
立不出離云何僞制立止息謂如有一於不
應止息制立止息應止息中立不止息云何
僞制立羯磨謂如有一於非法羯磨立法羯
磨法羯磨中立非法羯磨

第七次除十種事若有苾芻於異人前宣說顯

宗諸餘苾芻壞戒壞見壞諸軌則及壞正命
當知此言非清淨說云何十事一於佛寶欲
爲損害或欲劫奪如於佛寶二於法寶三於
僧寶當知亦尔四見由彼故壞戒壞見若壞
軌則若壞正命品類漸漸增長廣大或聞或
疑五見波顯示壞戒見壞軌壞命等不正法
或聞或疑六欲令彼出壞戒壞見壞軌壞命
不善法處及欲安置諸善法處七爲護他心
勿使他人作如是解是諸苾芻皆悉壞戒壞
見壞軌壞命然相覆藏八或有施主或鄔波
索迦或造寺主啓白僧衆作如是言我不忍

諸諸有壞戒乃至壞命在此中住諸苾芻等輩

亦諸餘苾芻壞戒壞見壞諸軌則及壞正命
當知此言非清淨說云何十事一於佛寶欲
爲損害或欲劫奪如於佛寶二於法寶三於
僧寶當知亦尔四見由彼故壞戒壞見若壞
軌則若壞正命品類漸漸增長廣大或聞或
疑五見彼顯示壞戒見壞軌壞命等不正也
或聞或疑六欲令彼出壞戒壞見壞軌壞命
不善法處及欲安置諸善法處七爲護他心
勿使他人作如是解是諸苾芻皆悉壞戒壞
見壞軌壞命然相覆藏八或有施主或鄔波
索迦或造寺主啓白僧衆作如是言我不忍
見諸苾芻有壞戒乃至壞命在此中住諸苾芻

若見壞戒乃至壞命者當告我知若諸僧衆
同聞此言九若有見他由此因緣內懷嫌恨
欲起無義或聞或疑十僧衆於此壞戒壞見
壞執壞命汚染他家行惡法者無有力能治
罰驅擯唯有一因唯有一緣所謂向他說彼
不清淨事若因嫉妬或因憎恚或因財利欲
毀欲惱欲令損害由此緣故向人說者當知
是名不清淨說

後次毗柰耶中略有五種能顯法義諸譬喻
事一本生事二本事事三影像事四假合事
五譬喻事本生事者謂說前生菩薩行事本
事事者謂說前世諸相應事影像事者謂說

龍酪生酥熟酥醍醐等喻影顯最勝補特伽
羅又以世間七種河中補特伽羅喻影顯正
法中七種補特伽羅如是所餘影像種類皆
應了知假合事者謂大王喻或良醫喻如是
等類餘無量喻隨順染污及清淨品復有現
見世間譬喻或依雜染品或依清淨品由彼
少分共相應故假合而說譬喻事者謂說廣
長衆多譬喻如長譬喻及餘無量如是等類
復次由五種相建立所知諸法差別何等為
五一由事故二由品業差別故三由智依處
差別故四由智差別故五由攝餘智差別故
本何由事故謂略說一切有為無為名所知

何由品業差別故謂即此事復有五品
知差別及此五品所知作業何等為五謂此
所知或有假立故名所知或有勝義故名所
知或有所作究竟故名所知或有他心淨不
淨行故名所知或有一切種別故名所知若
世俗智能知假立所知知假立故如實了知
世俗道理善不善法有罪無罪廣說乃至緣
生法等一分應遠離一分應修習又能了知
知俗言說遊行世間隨因隨緣而起衆行法
智類智苦智集智滅智道智能知勝義所知
知勝義故能證見修所斷法斷盡智無生智
能知所作究竟所知知所作究竟故心得

定無有疑惑於自斷中離增上慢他心智能
知他心淨不淨行所知由知此故如實知他
所有意樂界及隨眠十力智能知一切種別
所知由知此故能正於他起一切種教誡教
授能斷一切有情疑惑能善安置一切有情
於善趣果及解脫中有大勢力能作一切有
情利益及安樂事如是後為五品所知及五
種業

云何由智依處差別故謂有二種一自利行
不利他行若隨順斷世俗智若正能斷勝義
智若於斷所作究竟智如是諸智應知依自
利行依處若於他意樂界及隨眠所有

智若於一切種別所知中所有十力智
二智應知依利他行依處如是名為智依處
差別

云何由智差別故謂世俗智或善或不善或
無記或有漏或無漏唯是世間無漏者謂於
已斷一切無學身中可得此及所餘揔名俗

智亦唯世間當知所餘法類智等是出世間
亦唯無漏盡無生智當知唯於漏盡中生若
不分別盡及無生謂我已得諸漏永盡我去
來苦不復當生者唯是無漏唯出世間若作
如是分別者唯是無漏世出世間世俗智攝
是未曾得是阿羅漢相續中生他心等類是

世間若在異生及有學相續中者是若漏若
無學相續中者是無漏問何因緣故清淨身
中諸世俗智說名無漏答由彼身中諸漏隨
眠已永斷故又此諸智是他心智現所行境
此他心智非染汙性非餘染汙現所行境
彼自性不與一切煩惱相應是故此智由隨
眠故由所緣故由相應故皆成無漏十力智
在如來相續中是未曾得唯是無漏世間智
攝何以故由此一切種智皆帶戲論而現行故
云何由攝餘智差別故謂神通智解脫門智
無礙解智無諍智願智力無畏念住一切種
不共佛法等智隨其所應當知皆為如前所

說諸智所攝謂五神通皆世俗智攝若諸生及諸有學相續中者皆是有漏若在無學相續中者皆是無漏第六神通盡及無生二智所攝盡無生智如前應知空解脫門智八智所攝謂法智類智苦智集智滅智道智及出世間盡無生智無願解脫門智六智所攝謂法智類智苦智集智盡智無生智無相解脫門智五智所攝謂法智類智滅智盡智無生智無礙解智無諍智願智十力等一切不共佛法智皆世俗智攝皆是無漏在阿羅漢及如來相續中如其所應盡當知諸解脫門建立相如本地已說不共佛法及無礙解

等如菩薩地已說

復次云何神境云何神境智云何神境智作
證謂從一種變作多種如是廣說乃至梵世
身自在轉是名神境由神境智於此境界領
受示現是故說此名為神境若智具大威德
修所成是修果名神境智由此智於彼境界
領受能示現是故說此名神境智即此智種
子由生緣所攝受故勢力增長相續隨轉名
神境智作證如是一切摠攝為一名神境智
作證通

云何天耳云何天耳智云何天耳智作證謂
若修果耳所攝清淨色是名天耳與依耳識

相應智名天耳智此智作證如前應知如是
一切揔攝為一等如前說

復次由此道理餘一切通所作問詞如前應
知所有釋詞隨其所應我今當說謂諸他心
由有貪等差別而轉名心差別若具大威德
修所成是修果緣彼為境智名心差別智此
智作證如前應知如是一切揔攝為一等如
前說若於過去生自體差別明了記憶名宿
住隨念若智具大威德修所成是修果依止
於念與念相應此方得轉是故說名宿住隨
念智餘如前說若諸有情好惡色等種種差
別從彼別別有情眾沒於此別別有情眾生

說名死生若修果眼所攝清淨色以為依止
緣死生境識相應智名死生智餘如前說若
一切結無餘永斷名為漏盡即於此中世間
盡智及無生智名漏盡智所餘一切如前應
知復次諸具神通修觀行者若遇其時便能
示現或復安住或行他利或於是中能善開

記是故名為具神通者

復次前三通是通非明後三通亦通亦明以
能對治三世愚故又初神通能迴異類令他
於己發生尊敬第二神通知他所行染淨語
業能善訶責令其歡喜第三神通善能知他
若淨不淨心行差別能正教授及與教誡後

三神通能令遠離常邊斷邊能無顛倒離增
上慢依於漏盡宜說中道即於此中能善教授
復次觀察三種義勢力故俱分解脫利根阿
羅漢苾芻住無諍定謂或有一昔曾於彼無
諍等持聞有無量差別勝利心生喜樂發起
勝願由此因緣緣彼為境猛利意樂數數熏
修彼既證得阿羅漢已由彼為因由彼為緣
即於是中心樂趣入是故今者住無諍定又
復有一昔異生時令諸有情起無量諍於彼
發起種種惱害瞋恨等事今既證得阿羅漢
果於昔所行愚夫之行生大悔愧是故今者
住無諍定又復有一自既證得阿羅漢果欲

今無量眾生造作此現法受可愛果。葉以欲
令彼於現法中受可愛果。是故方便任無諍
定。由此因緣熏修邊際。第四靜慮以為依止。
發生無諍想。三摩地防護他心。於自所起一
切威儀終不令他起煩惱。諍是故說此名為
無諍。如是為欲護他心。故隨所依止村邑聚
落所住之處。周遍於此村邑聚落諸眾生心。
次第觀察如是遍觀一切衢路一切家屬一
一眾生未來世心如是觀。已彼若了知如是
村邑如是聚落如是衢路如是家屬如是眾
生。當於我所暫得見時。必定生起諸煩惱。諍
即便隱避。令彼眾生皆不得見。彼若了知不

由見故由不見故生煩惱諍則作方便令彼
得見彼若了知由隨順故令不起諍即便觀
察所隨順事為淨不淨若清淨者即與相見
隨順彼事若不清淨或復觀彼所隨順事令
他相續起煩惱諍既觀察已不與相見又審
觀察若因如是語言如是威儀如是攝受如
是受用衣服等物如是說法如是勸導令他
相續起煩惱諍即便遠離如是語言廣說乃
至如是勸導彼由多分住如是住行如是行
是故說名住無諍者

云何願智謂俱分解脫利根阿羅漢苾芻重
修邊際第四靜慮為依止故若聲聞乘隨聲

聞智所行境界若獨覺乘隨獨覺智所行境
界起如是願願我當知如是如是所知境界
從此趣入熟修邊際第四靜慮既入定已隨
先所願一切了知若諸如來遍於一切所知
境界智無障礙

復次諸佛如來於無諍定而不數入所以者
何有諸衆生勝利益事由起煩惱俱時成辦
如來於此勝利益事不能棄捨

復次如熏修邊際第四靜慮以爲依止引發
無諍及與願智當知如來所有一切不共佛
法妙智亦亦餘神通等一切靜慮以爲依止
皆能引發

復次唯依諸靜慮及初靜慮近分未至定能
入聖諦現觀非無色定所以者何無色定中
奢摩他道勝毗鉢舍那道劣非毗鉢舍那劣
道能入聖諦現觀非生上地或色界或無色
界能初入聖諦現觀何以故彼處難生馱故
若馱少者尚不能入聖諦現觀況於彼處一

切馱心少分亦無
復次當說世俗智及出世無漏智初中後際
生起差別謂世俗智初異生位起如先說五
染汙見及與貪等相應邪智是染汙等諸世
俗智應斷應知爲欲生起彼對治故復起世
間信所攝受無顛倒見是善有漏世俗智攝

以此正見為依止故次起聞思所成妙慧於
諸念任勤修觀行亦善有漏世俗智攝以此
為依次於順決擇分方便道中由修所成慧
於諸念任勤修觀行亦善有漏世俗智攝以
此為依次起見道方便順決擇分俱行修所
成慧於諸念任勤修觀行亦善有漏世俗智
攝以此為依次起世第一法見道無間道所
攝正見亦善有漏世俗智攝如是名為初異
生地諸世俗智生起次第又即以彼世第一
法所攝俗智為依止故能入見道昇見道時
即先所修善世俗智所有種子由彼熏修皆
得清淨亦名為修此則名為諦現觀邊諸世

然智出見道已生起此智證見所斷諸法解脫昔來於彼曾未解脫由此生故是諸聖者於見所斷煩惱斷中能正分別謂那落迦我已永盡乃至不復墮諸惡趣又能了知我今已證得預流果又能了知我今已斷如是如是所有煩惱又隨所欲應可為他所記別者當為建立又審觀察而記別之又能於諸聖諦現觀以無倒慧而正建立復於此上隨其所應未離欲處以世間道漸次修習能離彼欲乃至能於無所有處離欲作證此諸聖者以出世間智後所得諸世俗智離諸欲時當知同彼非聖道者所作離欲但能損伏煩惱

種子非謂永斷此世俗智是出世間智後所
得應言此智亦是世間亦出世間不應一向
名爲世間又修此智略有四道一方便道二
無間道三解脫道四勝進道於一切地修道
所斷粟中上等九品煩惱隨其品數各各差
別能隨順斷是名初道能無間斷是第二道
無間斷已是第三道次後於斷是第四道此
勝進道復有二種或有無間爲斷餘品修方
便道此於前品名勝進道於後所斷名方便
道或有無間不修方便但於前品生知足想
不求勝進或住放逸或於已斷以觀察智而
更觀察或有但以伺察作意而伺察之當知

此道唯名勝進除未至定所餘一切近分地
中唯有俗智無出世智何以故由未至地是
初定心初靜慮上所有定心皆先有定故聖
弟子從此以上但依根本修出世智不依近
分第一有中所有諸智皆俗智攝何以故彼
處作意與出世間聖智作意不同分故但作
非想非非想行出世作意有想諸定所攝受
故始從學地乃至於此諸世俗智當知皆名
中際俗智於阿羅漢身中所有一切清淨無
漏解脫一切結縛煩惱盡智無生智及餘一
切神通等功德所攝諸世俗智皆是後際世
俗智攝

復次諸菩薩初中後際世俗智者謂從勝解
行地乃至到究竟地所有一切世俗智初際
者謂勝解行地中際者謂從增上意樂清淨
地乃至決定行地後際者謂到究竟地又諸
菩薩於諸地中起二種行謂有戲論想差別
行及離戲論想現行行似出世間善修此故

得後所得世俗智攝無障礙智又諸菩薩有
與如來願智相似諸世俗智勝諸聲聞獨覺
所得一切願智諸神通等及空智等應知亦
亦由諸菩薩所有功德皆依十力種姓而轉
聲聞獨覺則不如是

復次如是已說初中後際諸世俗智初中後

際諸出世智次我當說謂見道修道無學道
若法智品見道對治欲界見所斷惑若類智
品見道對治色無色界見所斷惑問一切類
智現在前時皆能了別色界無色界耶荅若
有曾於色無色界所有諸法善聞善思善取
相者即能了別若不尔者不能了別所餘諸
智或在毗鉢舍那品或在奢摩他品法智類
智二品所攝又於見道初智生時諸餘智因
由能生緣所攝受故皆得增長一切見道即
此刹那皆名爲得於此得已後時漸漸次第
現前當知見道是速進道於修道中若有修
畢出世間道而離欲者應知如前方便道等

皆是出世若於法華等諸聖諦中有戲論想而
現行者是世俗智離戲論想而現行者是出
世智爲於諸諦以有相想應善取相故爲如
先時所見所知修習種種微妙智故爲以世
間諸善馱行令心馱故爲受種種妙法樂故
是諸聖者亦修世間離欲之道而離諸欲無
學地中即如所說出世間智解脫修道所斷
惑故極善清淨又出世智能爲一切世間功
德所依持處能令一切上地下地所有功德
皆自在轉如是名爲初中後際出世間智次
第生起

復次諸神境智或加行得或生得加行得者

如生此間異生有學及與無學諸菩薩等所
有修果生得者謂生色界由先修習為因緣
故後於此中生便即得又有欲界諸天及人
一分福果所致如曼馱多王等又傍生趣如
飛禽等攝受如是衆同分故如得神通鬼趣
一分亦復如是又有呪術藥草威德亦如神
通如作幻惑厭禱起屍半起屍等即由如是
差別道理餘四神通所有差別隨其所應當
知亦介
復次云何所識法謂一切法皆是所識諸識
能識由五種相諸識差別如其所應建立所
識何等為五一依緣差別故二欣感差別故

三勝劣差別故四心所差別故五障治生差別故

云何依緣差別謂由所依所緣差別建立眼界六識差別眼識了別諸色境界餘識各各了自境界意識了別一切眼色乃至意法以為境界

云何欣感差別謂苦受相應識名感此能了別隨順憂苦不可意法樂受相應識名欣此能了別隨順喜樂可意諸法不苦不樂受相應識名非欣非感此能了別隨順捨受非二諸法

云何勝劣差別謂不善法及有覆無記法相

應識名劣此能了別諸染汙識所行諸法善
法相應識名勝此能了別一切善識所行諸
法無記法相應識名非勝非劣此能了別自
所行法

云何心所差別謂有心所遍諸心起復有心
所遍善心起所餘心所應知如前有漏法中

已說其相遍諸心起復有五種謂作意觸受
想思如前意地已說其相遍善心起復有十
種謂慙愧無貪無瞋無癡信精進不放逸不
害捨如是十法若定地若不定地善心皆有
定地心中更增輕安不放逸等唯是假法此
相應識皆能了知一切境法

云何障治生差別謂所治障有十五心何等
十五謂欲界繫摠有五心見苦見集見滅見
道及修所斷如欲界繫摠有五心色無色界
當知亦亦能對治心是第十六謂諸無漏學
無學心如足所治及能治識隨其所應各能
了別自所行法

復次生差別者略有五種一欲界生行二色
界生行三無色界生行四往上地生五還下
地生欲界生行者從欲界繫若善若染汗若
無覆無記心無間遍欲界繫一切心生是名
欲界識生差別如欲界繫如是色無色界繫
自地三心無間皆生自地三心若先未起

初發生時要從欲界善心無間初
慮地善心得生初靜慮地善心無間第二靜
慮善心得生如是乃至無所有處善心無間
第一有地善心得生必從色界善心無間初
學心生學心無間無學心生若先已起靜慮
無色即於彼地不退失者彼從欲界善心無
間隨其所樂上地諸心及學無學心欲起現
前先已善取彼行相故於彼諸心如意能起
知是所餘上地諸心無間所起如其所應當
知亦尔又從欲界無記心無間色界善心生
如色界果欲界變化心即從色界善心無間
比欲界無記心生又說此心為欲界者當

是彼影像類故非自性故又欲界沒生上地
時欲界善心無記心無間上地染汗心生謂
生初靜慮乃至有頂以一切處結生相續皆
染汗心方得成故如是應知往上地生諸識
決定於自所行生起差別又諸異生退先所
得世間靜慮無色定時由染汗心現前故退
此下地染汗心從上地善心染汗心無間生
又從上地沒生下地時從一切上地善心染
汗心無記心無間唯有下地染汗心生如是
應知還下地生諸識決定於自所行生起差
別如是障治生差別故諸識決定於自所行
別所識諸法差別

瑜伽師地論卷第六十九

鞞磨

上居謁反

悵快

上丑

驅擯

上丘俱

醍醐

上音題

嘖

上莫官反

癡禱

下必

反檢

下音胡

曼馱

下於向反

一

福



